



古文冰雪携 名家小品

書 啓 牋 擬 檄 碑 贊 銘

答田肖玉

郝敬

與吳伯霖

徐日久

與高孩之

鍾惺

○ 第後東德升兄弟

周順昌

答袁述之

譚元春

答金正希

譚元春

與山陰王靜觀

沈承

與徐念孺

萬時華

與吳衆香

陳弘緒

答梅惠連

陳弘緒

答張謫宿

陳弘緒

與黃東崖

陳鍾璵

與曾弗人

陳鍾璵

辭友人稱山人書

薛岡

徵奏疏館課啓

陳震生

山居謝客啓

聞啓祥

西湖船會啓

聞啓祥

請侯廣成游廬山啓

黃端伯

傭書賣藥啓

章美

與梅花牋

黃元會

山巨源答稽叔夜書

陳子龍

漢王嬙漢關別書

翁吉燭

孔方與疏絕交書

陸起元

東方朔責和氏璧辭

劉城

戲爲授麗氏制辭

徐孚遠

三 戲彈天孫封事

錢 棨

8 東平祈雨表章

陳函輝

游山檄

張汝霖

代翟義討王莽檄

錢 棨

8 諭珠蚌檄

卓人月

皇城島忠義祠碑

姜曰廣

吳綺墓碑

徐郴臣

黃葉堆碑

錢 默

香猪贊

袁中道

古梅贊

朱益采

○瘞鷄銘

魏學泚

古文小品冰雪攜

吳下 懶僊衛泳 箋

再荅田肖玉

郝敬

足下冥鴻高鳳一字在存、卽稱希貴、重損盛惠、
何施而堪此、往者一尺之布、足下尚疑躔之樹
也、而麾之、得一昧之甘、輒以餉我、是獨爲君子
也、愧甚愧甚、曩所云日夕縈懷、知足下念我不
置、七、八、年、間、心、往、衰、病、不、能、出、門、足、下、幡、然、肯
來、是、蓬、藿、之、光、也、下、榻、已、久、足、下、猶、豫、豈、信、我

未深耶。區區蠢然一夫不曉世上周旋亦不敢
傲世絕物。所以鬱鬱城市不窺戶外者。與足下
兀兀深山不入城市。心曲正同。衰世薄俗。人口
如虺。目如鸛。吹疵洗垢。議論風生。足下欲一來。
人不以爲盍簪。而疑素絲爲染。區區欲一往。人
不以爲招隱。而疑腐儒爲逃。腐儒不逃。逃尚可
返。若足下受染。則青黃碧綠。不可知矣。不緇不
磷。是在足下。非鄙人所敢決也。若果來。城市不
可居。別墅在西郊外。足下云好眠。好歌。懶爲禮。

此地有石可枕。初夏芳草落花。隨地可爲茵褥。
山深谷靜。可以高歌。市遠人稀。一賓一主。箕踞
水邊樹下。去一切跼跂俗禮。主客一榻相對。足
下臥。惺歌罷。爲我說道德南華。指點黃庭。參同
我爲足下講四子五經。楊摧義文。周孔當年心
跡。優哉游哉。名教之樂。人生一快也。足下得無
意乎。外人傳足下有仙方口訣。非其人不傳。區
區食肉腥羶。無所用此。惟足下自愛。角黍酥餅
各一器。人間烟火味。奉佐玉屑。

懶仙云古至人養生得道者輒能百里外吹
氣與人謂之布氣兩人學道氣有所感當在
尺幅之外

東吳伯霖先生

徐日久

昨往彰義門簡點軍器至晚纔得先生作讀之
正疲倦中忽地一身冷汗漸離貫高真不灰也
侗初先生此舉甚妙若得多採彙爲一刺不知
針醒世間多少瞌睡漢子快極快極園中初起
手時便約法三章若花木之無長進若須人奉
承○自○具○傲○骨○若高自鼎貴者俱不蓄故庭中惟桃李紅白
間錯垂柳風流其下則有蘭蕙夾竹紅蓼紫葵
堤外夾道長楊翼以蘆葦外周茱萸前有二三

道菊畦。襍置萐蓐玉膏梁。長如青黛池邊則翠
雲草波斯菊被涯成繡魚則紅白青鯉三尾紫
班俯檻臨之真如遠望美人雖寂無聲息殊可
喜也。菓品甚多。但名不雅馴。其原本未易悉不
宜作妄語以應。至於牆外遠觀尤堪點綴。刻下
卽欲出門草草不能盡述。且幅短書至紙尾不
恭之極。惟先生不罪也。

懶仙云。胸中丘壑略經布置。便足寄傲林泉。
何必賦歸來之辭。

與高孩之書

鍾惺

向捧讀回示辱諭以惺所評詩歸反復于厚之一字而下筆多有未厚者。此洞見深中之言。然而有說。夫所謂反覆于厚之一字者。心知詩中實有此境也。其下筆未能如此者。則所謂知而未蹈期而未至。望而未之見也。何以言之。詩至于厚而無餘事矣。然從古未有無靈心而能爲詩。至厚出于靈而靈者不卽能厚。弟嘗謂古人詩有兩派。難入手處。有如元氣大化。聲臭已絕。

想見虛懷

此似平而厚者也。古詩十九首蘓李是也。有如
高巖浚壑。岸壁無階。此以險而厚者也。漢郊祀
饒歌。魏武帝樂府是也。非不靈也。厚之極。靈不
足以言之也。然必保此靈心。方可讀書養氣。以
求其厚。若夫以頑冥不靈爲厚。又豈吾孩之所
謂厚哉。曹能始謂弟與譚友。夏詩清新而未免
于痕。又言詩歸一書。和盤託出。未免有好盡之
累。夫所謂有痕與好盡。正不厚之說也。弟心服
其言。然和盤託出。亦一片婆心。婆舌爲此頑冥。

不靈之人設至于痕則未可強融須由清新入
厚以救之豈有舍其清新而自謂無痕者哉何
得時相聚一細論之

懶仙云論詩之法不下數十家此書括盡古
今風人之蘊今人但以尖新爲竟陵派者未
望其涯者也

第後東德升諸兄弟

周順昌

計○滄○關○分○袂○節○序○倏○更○獨○坐○靜○思○長○安○花○何○如○
○朋○友○最○不○易○得○在○鳥○紗○中○尤○不○易
故○園○柳○三○百○五○十○人○未○知○肝○膽○誰○是○何○如○二○三
知○已○連○牀○夜○話○上○下○千○古○哉○南○望○迢○迢○覺○鳥○啼
雲○散○俱○足○增○故○舊○之○思○鄉○關○之○感○亦○欲○以○微○醉
解○之○苦○不○能○酒○惟○啜○清○茶○數○鍾○伏○枕○求○睡○夢○中
所○見○或○祖○父○聲○容○或○相○知○歌○嘯○甚○至○牽○衣○画○眉
之○態○俱○恍○恍○欲○似○醒○來○益○令○人○百○端○交○集○語○云
晝○思○夜○結○良○然○良○然○別○後○情○景○大○槩○可○想○今○科

繁費稍減。加以弟之省約。亦要得二百餘金。已去其半。此半竟無門可貸。真是苦事。然大率積習使然。弟一人那能盡革。可奈何。月中分兵部觀政。殊無政可觀。不過作揖打躬升堂畫卯而已。

○國○事○壞○于○虛○文○壞○于○議○論○可○歎○可○歎○

已天下事之以虛文相蒙者多半類是。閒中接邸報閱之。見朝中士夫議論互爭不一。卽一南畿學使甫推浙省案臺某。而彈指隨至矣。况福王請封復。緩邊庭告急。日甚。有志者得不深杞人之慮乎。今漫以書生當局。其籌邊治河大

政無論有問以簿書錢穀之數天下幾何茫不能對也。始知書不可不多讀。平日爲入股緣謂了許工夫徒做一不識時務進士良可笑也。弟職應司理偶展大明律一卷深文刺字多所未諳乃信讀書不讀律致君終無術兩言非浪語也。最恨者方今仕途如市入仕者如往市中貿易計美計惡計大計小計貧計富計遲計速弟思今日正委吏乘田東西南北惟命之日只宜信心做去美惡貧富升沉遲速何所不可須當

四○字○是○忠○介○一○生○作○用

知銀子取不盡。好官做不盡。予之角去之齒。四其足。兩其翼。造物自有定數。安用營營爲。且幸叨一第。卽不敢云報國。固窮二字。原吾輩本來面目。併此而喪。何以自立。况弟孤苦艱辛。往年備歷富易貴易。一生痛恨。今幸得一抔土。寧祖宗魂魄。志願畢矣。富厚策肥。實非吾念。此弟可自信。四知己亦可信。弟者也。先儒云。學者不可把第一等事。讓別人做。又謂惟淡可以從儉。惟儉可以養廉。有味哉。有味哉。間嘗以此意示之。

共事者。不謂迂。則謂矯。弟正甘心。獨怪夫世之
不爲迂。不爲矯者。衆亦相顧大笑。意氣相期。孰
如吾五人。近於合榜中。偶得一真士。相合尤奇。
時正辭部日也。耳目甚衆。彼獨以白鬚挺立於
冢宰前了。無退避狀。無不撫掌。弟謂諸兄人身
上那一件。不思著假。此兄尤犯仕途大忌。何以
獨真。烏鬚藥豈少哉。實是有血性男子。急訪之。
乃丙午科鹿善繼也。果雅負北方之望。弟卽以
是笑問。渠亦駭焉。遂過我竟日。揚權千載。抵掌

時事言朗朗可聽也。至一種熱腸勁骨布衣蔬
食之志。視吾五人殊不減。勿謂燕市中無荆卿
高漸離也。竟代四知己。訂交矣。四知己亦爲之
快心否。百余日不得一晤。幾成鬱結病候。一夕
風雨破紙窗。亂入愁不能寐。伸筆書之。不自知
其言之長也。青蓮云。長安如夢裡。何日得歸期。
讀之使我淒絕。合宅想清嘉。如管三老伯。僅以
空函候問。曷勝愧汗。四月二十日。燈下弟昌拜

曇隱云。字字肝膈。語語藥石。忠介公名節千古。具在此尺幅中。

荅袁述之書

譚元春

弟今春徂夏讀書江夏西菴暗栢疎林想見李
北海捨宅爲寺之意萬情不興惟文章一道則
不敢不以爲可傳修靜寺頽然瓦甍耳我家北
海宅作寺漢江濱非文章傳之哉弟輩雖張口
肆力空取標持而已君家先生所處之地所謂
天下莫不與也弟輩今日所謂孰能與之也嘗
謂愛古人者絕不宜護其短傳世者之精神其
佳妙者原不能定爲何處在後人各以心目合

之○而○若○其○所○不○足○人○當○指○爲○疵○類○者○夫○安○知○後○
世○之○傳○不○卽○在○此○而○又○安○知○古○人○所○以○豎○取○後○
世○名○者○不○明○留○此○一○段○以○發○其○所○議○而○因○以○傳○
其○佳○妙○耶○無○論○古○人○之○深○遠○與○近○日○君○家○先○生○
之○靈○奇○必○有○出○于○此○者○卽○濟○南○諸○公○自○有○所○以○
開○人○之○議○與○以○議○而○留○天○下○後○世○之○名○夫○豈○苟○
也○乎○哉○此○不○實○致○力○于○文○事○不○回○旋○于○今○古○之○
變○決○不○知○有○諛○人○人○益○卑○謗○佛○佛○益○尊○之○權○理○
也○如○弟○與○君○家○先○生○恨○未○嘗○納○交○然○得○與○吾○兄○

○決○不○肯○沒○此○段○苦○心○

爲知已則亦有通家之道所以不掩其疵類益
成其靈奇者若或交之也耳夫推尊人以成已
之高有之矣詆訶不可朽之前輩以成一敢說
人能說人之聲雖愚者知其不可述之奇士弟
輩肝鬲行逕不可謂知之淺矣而嘵嘵致辨者
凡以爲文章之道疑義當析旣于此深入豈肯
浮愛其親且君家先生神靈炯炯決與弟輩相
○不欺不妄肝膽如見
關豈肯虛就世上之浮名而不信弟輩爲真愛
者哉每對人及書札中卽稱中郎有子奇絕每

向人誦爲人子。豈便爲人奴語。無不稱快。今書
中又有不欲效顰先世。反辱前休。及上賴繩削
以佐袁氏威儀等語。決知吾述之爲尊先生所
瞋目矣。今人所云云。是以庸人待尊先生也。尊
先生決恨之無疑也。聰明才人。同是天地所私
豈肯復作異同與造化相反哉。亦惟省之念之
而已。

懶仙云。附和古人。正繇文章無深入處。譚子
論古手眼足。與千載相通。當令古人恨。不見
我也。

荅金正希

譚元春

兩得吾兄書。汗出斗許。弟胸中雖有灑灑落落
之趣。與世人入名利恩愛而不得出入。嗔恚熱
惱而不得出者。似乎有間。尋常厭人沾泥帶水。
喜一過而忘之。故伯敬諸子取其根器。而恨其
不肯學道。弟之不能學道。在弱而好弄。老而不
衰。生平貪戀光景。極知光景朝暮。更換而寔有
所不能舍也。又見學道人愛官與我同。愛財與
我同。愛色與我同。愛交遊玩好與我同。而自以

爲學道不知我不學道又在何處及迫而問之
則曰此何礙于道子真不知道矣弟愈不服其
言彼沾泥帶水而我灑灑落落沾泥帶水者而
責灑灑落落者爲不知道宜其不相下而生退
心也乃出自吾兄則實修實證無所大戀戀于
世而忍得住苦得慣矣伸手接引含淚下棒弟
獨何心自甘昏浮但不知兄所謂一刀了割者
是何刀法一刀遂了者是何了手兄于所爲看
經持咒叅禪念佛必當從一門深入我輩亦有

清淨時萬念歇下。覺此事不謬。而少頃事煩人。
雜可笑可樂。神疲力倦。性命無歸。未嘗不悔而。
卒無一法遠此塵垢。野火燒不盡。春風吹又生。
是此雜念真境。遠公以謝康樂有雜念。不許入。
社弟嘗舉以自恨。而公安王以明累書相責。則。
言無雜念。不可學道。添我迷惑。莫如此語。畢竟。
是正希急急討個了絕。爲是而不知何從便得。
了絕。則請正希示我一路。雖然學道未有不苦。
楞嚴云。菩提涅槃尚在遙遠。非汝歷劫辛勤修。

持。雖復憶持。十方如來十二部經清淨妙理。如
恒河沙。只益戲論。正希新官翰林文章人品。卓
然一時。而此心斤斤悶悶。絕不知有數者之美。
可謂能苦矣。弟則有不能者。雖不至取其光焰
以自加。而未嘗不資其津潤。以自美。方有惟恐
其苦之意焉。而欲以學道。豈不踈乎。且不知正
希官翰林文章品格卓然一時。而學道之人。果
真無礙於是否。雜念果盡割絕否。反而求之。千
萬再以報我也。弟非無知。強相排抵。亦寔寔求

一消息於有道耳。至是而弟之通身又汗出矣。
懶仙云急急討箇了絕。纔是學道實際。正希
真了絕人。定有箇中消息。

與山陰王靜觀

沈承

沈郎家住婁水湄，雖心折山陰王先生。寔紙上交而已，里人笑罵沈郎不值半錢。而王先生不遠五百里走雙魚，贈我更千萬聲奇。我靜觀靜觀，那○不○慮○人○并○笑○罵○王○郎○也○。弟于世間絕意，不望相知。人於人前絕意，不開相知。口惟憶客歲江上逢兩友，遍索沈郎於破邸中。爾時草牀瓦盆呼酒就談刺，刺不能別。頗爲有古風，有古趣。不圖今時又有王郎作對快，心快，心○人○生○何○必○

時俗喜亦何必鬼神憐但願對儁男子大吐肝
膈痛哭一場足了事矣雖然兄莫見沈郎好沈
郎冷冷落落無寒暄小醉則又顛顛狂狂無定
準恐王先生見之亦復笑罵也所惠皆投弟癖
童子皆私詫謂山陰相公別有眼睛善察人情
如此赤手無長物近裁幾幅作報料靜觀決不
以禮數罪人耳破浪草嚇碎世膽又出我旋草
可謂咄咄逼人適因徙居未暇作序無已請卽
以箋代何如中有一二語爲人笑罵而寔笑罵

人者恐欠厚道仗兄削去

懶仙云寧受人強○不受人憐○吾輩本懷○讀此
聊足解我憤懣○

與徐念孺

萬時華

山中秋氣佳哉。兄所得何似。天地文章到處絢爛。溪山洞壑雲烟草木之間。尤自蓬勃。但我輩胃中無浩浩落落之意。便不能收之筆墨間耳。弟意況甚寥落。閑宵自處。憂來無端。因憶去歲此時。君兄弟策馬西山。弟亦抱影蕭寺淪落之景。時來感人。且憶湖言。摘實累累。巨源時摘取。三歎。令小奴遺我。今一耳之餽。遠莫致之。又惘惘也。蘇長公常謂四時之節。惟寒食重九不宜輕擲。

弟四壁悠悠。良媿斯語矣。

曇隱云。數行中許多韵折。想其胸次之澹宕也。

嬾仙云。嫋管時逸興遄飛。

與吳衆香書

陳弘緒

季夏雷榮予持手札至兼荷以新刻孫可之集見惠此書與劉蛻集俱讐較精密剗剔不苟誠案頭佳本也唐人之集散亡而不傳者什之七八其不足傳者無論乃若卓然見於韓柳文集如退之所稱之侯喜子厚所稱之吳武陵一以爲其文甚古一以爲可追西漢兩君著作必有大過於人者今其集俱無存矣歐陽公藝文志載有吳武陵書一卷而他氏之目則俱無之若

侯喜所作。則雖歐志亦已不覩其名。獨其載於英華文粹者。僅僅未絕耳。二人見推於韓柳之文。彰明較著如是。而其集俱不免於散亡。其他泯沒者。又何可勝道。幸而孫樵劉蛻諸人之書。尚存於今日。則何可不急爲流布。雖其流布之於今日。猶恐傳之未久。終歸散亡。苟聽其隱顯。任其完缺。則其散亡也必矣。仁兄於唐人諸集。隨得隨刻。使微者賴之以復顯。殘者賴之以復全。真快舉也。然弟則謂不獨唐人之集當流布。

也。宋世之集其傳於今者，蓋亦可數矣。姑舉一端言之。宋之古文，始於穆伯長。伯長矯楊劉駢麗之習，力以韓柳爲宗。其後遂有蘇子美輩，典雅之文出焉。而尹師魯、歐陽永叔、翁然一變於古，則皆伯長所開也。然伯長不特長於古文而已。先天之圖，秦漢以來未發之秘也。而康節得自伯長。太極之圖，周孔未盡之蘊也。而茂叔亦得自伯長。則是宋之文統與宋之道統皆自伯長倡之。伯長之文必非無關係之作也。今其集

亦竟未見於世。馬端臨通考有穆修集三卷。而近日焦弱侯太史亦列其目於經籍志。與端臨卷數正合。則是其集固未嘗亡於海內也。特未有好事者爲之流布耳。嗟乎古文之存於今者鮮矣。藏書之家秘之而不以示人。剞劂之家求之而不可遽得。兩者不相爲謀。則是古文終無流布之日。可嘆也。卽伯長一人推之。其餘可知。故弟以爲宋世之集亦不易得。而況於唐人。唐人之集如孫樵劉蛻諸人之尚存者。猶且隱顯。

於時而況於侯喜吳武陵輩之著述乎。望仁兄
留意。廣爲搜羅。次第授梓。當必有起而助之。以
成千古之快舉者矣。因事漫及。頗覺瑣瑣。一切
寒溫不悉。惟諒。

曇隱云。士業酷嗜異書。輒軒所至。蒐抉獨富。
讀此想見其好古之懷。

嬾仙云。孫巨源得古文苑于佛寺經龕。姚連
州著文粹。于縣建樓貯藏。著書藏書。良非易
事。兵火散亂。今古同嘆。年來如伯長之淪落。

不傳者何限。余願好古家。俱如衆香士業輩。
我明一代著述。賴爲不絕已。

荅梅惠連書

陳弘緒

捧讀翰示反復淋漓，何其文之奇妙而竒折也。江漢豫章之文，世之竊其詞句者，皆得以取榮名，掇上第，而江漢豫章能文之士，大半偃蹇屈抑于泥塗之中。仁兄引劉安以爲喻，至謂安之雞犬皆得昇天，而安反久滯於地上，其言曲而中，凄然足以感人，固不獨其文之奇妙而竒折矣。雖然，仁兄借神仙之說以論文章之遇，而弟請卽以神仙之事復於仁兄，世之所謂仙者，亦

論其得仙與不得仙耳。至其昇天與否。可勿論也。果其得仙也。昇于天。而躡雲御風。可也。卽不昇于天。而巖棲谷處。亦可也。何者。彼其爲仙者。固自在也。其所以爲仙者。何也。仙之道。在于得丹。而丹之得。在於得其所以成丹之法。日魂月華。玄珠白膏。與夫五金四黃八石之類。皆丹也。然是數者之類。非卽丹也。烹之煉之。融之合之。而後九轉七返之神物見焉。苟其不能烹之煉之。融之合之。則雖有是數者之具。而丹亦決不

能以成。然其不能烹煉融合也。而其爲丹之具。則固未嘗不同也。世之爲丹者。異於是。徒習聞乎日魂月華。玄珠白膏。與夫五金四黃八石之爲丹也。而實不知其爲何物。僞採之。而僞造之。而亦以號於人。曰是其九轉七返之神物也。嗚呼。其得丹耶。其不得丹耶。其有不自殺殺人者否耶。設使其人別有俶詭幻妄之術。足以排空虛而凌閭闔。昇天則有之矣。其以語於成仙也。可乎哉。夫劉安之雞犬。其所砥啄之藥。此真

丹也。非僞也。是故不獨劉安仙而鷄犬亦仙。其
鷄犬卽不昇天而已。成其爲雞犬之仙。至如左
吳王眷傳生之徒。亦嘗附安而昇天矣。然而安
之所謂藥器。固未嘗得而舐之而啄之也。雖復
昇天何益。今海內羣而効仁兄之文者。果其烹
煉融合。而得仁兄之所爲丹法乎。○許多曲折抑徒舐啄於
仁兄之藥器。而爲仁兄之鷄犬乎。抑又僞採之
而僞造之乎。無亦僞採之而僞造之者之多也。
彼以其倣詭幻妄之術。幸而富貴。亦如左吳王。

眷○傳○生○之○徒○幸○而○昇○天○究○至○沉○淪○銷○滅○與○艸○木○
同○腐○其○不○足○以○語○於○仁○兄○之○雞○犬○明○矣○而○又○何○
羨○於○其○昇○天○乎○嗚○呼○守○聖○賢○之○統○明○先○王○之○道○
上○之○增○華○天○地○次○之○輝○映○古○今○此○仁○兄○真○丹○已○
成○之○候○也○排○空○虛○而○凌○閭○闔○直○聽○之○而○已○而○豈○
仁○兄○之○所○急○也○哉○弟○恨○夫○羣○而○効○江○漢○豫○章○之○
文○者○非○失○於○臃○腫○支○離○則○失○於○怪○僻○詭○謬○譬○之○
於○丹○皆○其○僞○採○之○而○僞○造○之○者○也○但○欲○得○仁○兄○
之○丹○法○以○示○於○天○下○而○其○昇○天○與○不○昇○天○弟○之○

所不暇計矣。管魏伯陽丹成而恐弟子之心懷
未盡也。以其丹試之白犬。犬斃。試之於他弟子。
而他弟子亦斃。然伯陽之丹。則真丹也。故其他
弟子與其犬。雖暫斃。而可以復生。弟輩之偃蹇
屈抑。何以異于服丹而反得斃。然終不能舍仁
兄之真丹矣。仁兄其謂之何。

曇隱云。感士不遇。可以無賦。然其情更恫乎
言之矣。此便是金丹真訣。

嬾仙云。奇妙曲折。得文字中九轉丹。

荅張謫宿書

陳弘緒

讀兄佳文、深心厚力、卓然無所依傍、小序草率、
應命、圖水火者未易肖似、繪風雲者難爲形摹、
恨不足以盡兄文之妙也、所刻何心、隱集甚善、
弟嘗與諸友論我明異人、其在世廟之末者、心
隱鄧豁渠兩人而已、然豁渠固負豪氣、而祖歿
不塋、父喪不奔、見黜於名教、作用奇儒者不錄、心隱生
平所爲皆忠孝大節、卽其詭托箕巫陰去、分宜
之相、不煩批鱗請劍、而大奸忽爾敗覺、其作用

最奇真能以忠而成其俠者非豁渠之所敢並也。心隱之文盡於兄之所粹其軼事見於雜記諸小說者頗多兄能博採而彙集之以盡心隱之奇亦一快事。弟又聞心隱之門人有呂光午者浙之大俠也其人與文之奇不減心隱。心隱嘗以金數千畀光午使走四方陰求天下奇士。世有此異人光午攜蒯緌衣短後之衣挾健兒數輩放浪湖海窮九塞歷郡邑所至凡緇衣黃冠與夫商賈駟僧傭夫廝養以至椎剽掘冢之流備一節之

用○擅○一○得○之○長○者○皆○籍○記○而○周○旋○之○以○故○心○隱○
所○識○奇○士○盡○於○海○宇○心○隱○歿○陳○尸○道○傍○有○二○人○
犯○相○國○之○怒○仰○天○痛○哭○收○其○遺○骸○爲○之○掩○葬○者○
其○一○不○知○爲○誰○
其○一○迺○光○午○也○今○其○文○不○知○頗○有○傳○於○其○鄉○否○
其○鄉○之○人○頗○有○識○光○午○之○姓○名○者○否○天○下○承○平○
無○事○士○之○負○奇○而○稿○項○黃○馘○以○死○淹○沒○不○傳○者○
何○限○其○人○在○當○時○已○不○免○姍○笑○於○里○巷○而○見○侮○
於○褒○衣○博○帶○之○儔○何○况○於○後○世○使○後○世○無○兄○輩○
好○奇○爲○之○表○章○雖○其○奇○如○心○隱○者○亦○且○奄○忽○與○

草木同腐。又何有於光午之輩乎。吁。可慨也。兄
之交游遍於天下。或有能知光午者。幸一訪之。
求其遺集。以附於心隱之後。更快事也。心隱集
有便望。再見寄爲感。

嬾僊云。天下奇士。必得好奇者爲之表章。精
氣炯炯如覩。此書可當呂先生一則小傳。

與黃東厓太史書

陳鍾璵

承示詩樂之說。於魯論雅頌得所。與帝典言永
依和之旨合。真爲特識。向見陸儼山嘗著此論。
第鍾璵間有疑者。夫子曰興於詩。成於樂。詩與
樂自是異用。說者謂夫子未刪之前。詩之用全
在聲歌。夫子旣刪之後。詩之道兼備教戒。又郝
仲輿云。若詩爲樂作。卽宜各自爲章。何至互相
借用。如關雎。騶虞。鹿鳴。四牡。皇皇者華。鄉射燕
饗。皆通用之也。此說有據否。至于樂書古失其

傳器數不備。鐘罇差池。君實景仁。爭駁黍度。故
無要語。玄成稱主。推論原本。亦非確旨。至京房
揚雄輩。參以周易。則又蛇足矣。嘗聞一前輩有
云。律自律。曆自曆。易自易者。發端頗妙。惜未畢
其說。鄭世子曰。國風一百六十篇。皆角調。小雅
七十四篇。皆徵調。大雅三十一篇。皆宮調。周頌
三十一篇。及魯頌八篇。皆羽調。而石齋先生亦
曰。關雎一篇。首章多爲清宮。次章以商羽轉角。
三章以徵還宮。葛覃清角。帶宮聲。以歸羽。卷耳

清商間羽調以歸宮。喬木角徵之音歸於清商。似此二論演之紙上。劃阡分陌。字字清明。二公故有確見。第鍾璵意須使後學者尋黍按寸。攷擊鼓鐘。實有持循而後可。石齋未傳其譜。鄭有譜矣。多幽疑不可解。嘗依節而求之。茫茫無下手。想鍾璵學問粗疎不足窺其堂奧。抑此道微渺委難周知耶。鍾璵於論樂諸書頗服瞿徵君。瞿非有著落。但就前人所論折者申說得十分晶亮。故可孤行也。老先生學徹天人。幸傾橐開。

示爲今古了此大疑案關係來學不少鍾璵冒
昧謹啓

懶仙云詩樂之指先儒聚訟莫知折衷○
中謂當使聲中無字○字中有聲○凡出止是一
聲○清濁高下○如縈縷○繭字則有喉唇齒舌等
音○當使字字輕圓○融入聲中○令轉換處無磊
塊○此謂聲中無字○如宮聲字面曲合用商聲○
則能轉宮爲商歌之○此謂字中有聲○今石齋
先生論妙審聲律○惜未傳其諧耳○

與曾弗人書

陳鍾璵

頃晤間縱譚隆萬以來諸公詩文殊痛快間未
詳盡僕妄再宣演之惟弗人裁教僕少小時佩
服馮臨朐嘗閱其應制論策於古今治亂郊廟
掌故人物禮俗安筆迅書入情入窾他著述亦
復稱是古人有言其文能使貪吏廉邪臣正父
慈子孝兄良弟順人倫紀綱備此公是也北地
多痕太函多襲新都多碎如臨朐者左攬宋金
溪袂右拍張江陵肩經國大手非可以修辭工

拙論也。馮具區陶歌菴決起逸發。心手敏雋。然
適望劉孝標而止。未爲大方。孫月峰大有古意。
僕竊疑其批繩三經。殊膚淺。或曰。出後人贅筆。
不可知。至云唐宋大家。樂城不與此故。失言。樂
城古史老注。出晚歲更定。多透徹性命語。深博
冥隱。孕育氣象。實出子瞻易辭之上。僕正思大
家二字。不足以辱樂城。而月峰至。擯之使不入。
過矣。虞德園幽譎。杳窅有味。外味然多鬼趣。晉
人云。滄溟先生拈筆時。先有使人不易解之意。

虞德園與劉子威黃慎軒俱未免犯此。黃奇而
拘。劉拘中帶直。文太青亦近之。第文伊雜書院
講學語錄。直搗漢宋諸儒之巢。王文成不能過
也。文成本之心。其弊爲釋子護法。太青直遡之
天。是孔孟嫡傳正印。解此唯鄧潛谷一人。爾潛
谷之言曰。書詩禮樂春秋天之五運乎。易秉異
符。則其元命也。以故凡有著述。悉秉于天。真大
儒也。廊廡之下。當占一席。今未有舉行者。此絕
好題目。凡我後學。急爲拈出。必求其配。則郝仲

輿乎九經解。探討天人商兌。今昔確有來歷。不
同泛說。僕未滿者。易解中方圓圖。都不費思想。
故是草草。要此二公撐持乾坤。跨躒日月。詩文
品中未易揣摩。僕因論太青偶及爾。僕又見潛
谷列文成於異教中。亦太狠也。今古文人率駘
宕。無氣骨。嘗讀劉禹錫柳宗元傳爲之惋歎。拍
案而起。繞牀數匝。或中夜念及。輒膠結不能寐。
又閱韓退之與于襄陽陳給諫李浙東書醜之。
至恨茅鹿門先生。何故瞇眊爲之選刻也。趙大

洲冰肝雪膽。大類楊椒山。忠孝之氣。浮溢楮上。嘗翻較一二篇。想見其搢笏出疏時。雄震恪恭。生人敬企。因思一代作手。使有如大洲數人。燦燦乎若緯星之經天。光芒灼旦。於以洗文人多薄行之名。洵爲快事。至所彙經世出世二通。不免看作兩橛。然儘非門外漢矣。萬以忠易原。拈出未發之中。比王龍溪尤透切。楊貞復不及也。董崇相屯田三議。實實經濟。不減趙營平。僕嘗言前輩如瞿黃梅之律呂。徐玄扈之水利。李我

存之歷數與董崇相之屯田。真可單行百代。雖
間多未確。然實有所見。不勦他人牙後也。陳明
卿攬貨太多。轉脚未快。間出一二語。亦見血性。
同患淺言。是其壓卷。公安三袁各踞妙境。中郎
尤勝。但多帶諱語。僕於李卓吾始非不服其眼
之亮。與筆之橫也。嘗私擬之。如追捕亡命人。火
急星速。是秦始皇博浪沙中手段。第以其太翻
案。好檄擿往賢。病之。至見其評點諸傳奇。則大
憤懣。願告同志。爲是書可焚。密友吳宣伯嘗苦

口勸誠云是余鄉先達何太無情面。僕肅容對曰。蔡文莊李文節蔡清憲何匪莪四先生者。瞻其人。讀其書。如高冠華簪。曳裾鳴玉。立於廊廟。非法不言。可望爲羽儀。資以道義。此何莫非鄉先達。而必爾爾。蓋僕老生襤褸氣。迂濶至此。唯冀宣伯有以相亮也。抑嘗記元結有言。彼指詠時物。會諧絲竹。與歌兒舞女生。汙惑之聲於私室。可矣。若令方直之士。大雅君子。聽而誦之。則未見其可。迺知此等迂濶。不獨僕然也。董思白

跋語嶮嶢有韻。陳眉公樸篤。又和緩。是布衣風格。如徐山陰者。則布衣不足限之矣。出入莊列。屈賈時而悲哽。幽咽幾不欲下一語。時而號慟。噓歌汨汨數千言。人奇文亦奇。廼竟以愁憤歎。嗟乎造化之報文人。刻薄至此哉。鍾伯敬嘗云。此其法與秦人處功臣同。陳餘曰。功多秦不能盡封。故以法誅之。悲夫。鍾伯敬文有數體。各如其題裁之。筆墨深厚。氣運闕深。詩絕冲淡。雖之則其而等字參錯驅遣。具見奧穆。但學之者失。

其初意卒趨貧薄如余亡友商孟和韓晉之則不免墮彼雲霧中矣。譚友夏靈腕幻舌與伯敬大不類人。盡以同調稱之。僕嘗辨其非僕意。伯敬古而化友夏奇而至。伯敬有神境友夏無凡境。伯敬坦坦如平地。服牛乘馬悠然適也。友夏則峰巒巒從疊出。意外眺聽懷新。伯敬如晴雪霽月。使人喜友夏復如雷霆交作。風雨總至。倏然使人驚。伯敬能爲友夏。友夏不能爲伯敬。此二公之辨也。湯義仍王季重氣體頗相近。義仍

自云其文不及詩。僕意以文猶有軼宕之氣。詩則太板重。季重稍險窄。諸游記復奇絕。畢竟是虞德園一卷屬。但頭訖較清明爾。艾于子爲文頗有本領。似曾經歐廬陵。曾南豐門戶。走過者。但彈駁于鱗。弇州以爲妖。爲勦。則甚不必矣。于鱗刻異。豈易言。弇州合閩四部。洵是一代鉅手。王槐野且却數舍。况其下乎。文多集古句。詩則二公之近體。均妙品也。僕思使于子再讀二十年書。想不爲是語。章大力與折。是一絕妙。子分。

陳大士出語太率太熟。頗類宗子相。要其衆道
衝○飈○迅○浪○瀚○流○吁○可○畏○也○。至若黃石齋黃東厓
倪鴻寶三太史。廓清文稜。高蹈詞場。今其效已
鼓動天下矣。且年齒尚壯。才力未盡。謳吟之興
方○酣○。僕未卜其所至也。似當於燕許之域。另開
一○疆○。聽其馳騁。陳卧子夏彝仲朱子強。異日當
爲丘文莊鄭端簡無疑。且駸駸乎過之。僕跼伏
海嶠。家無積書。聞見踈陋。意所揣測。僅僅如此。
不能如袁昂敖陶孫之字權句衡也。惟弗人裁

教弗人藻思。屬才非僕敢望。弗人詩遇題輒發。情○境○逼○湊○小○者○沼○沚○大○者○江○河○僕○意○中○憂○憂○思○爲○靈○樸○一○二○語○猝○不○可○得○勉○圖○之○淺○澀○不○成○句○嘗○自○笑○以○爲○若○怪○松○感○縮○株○不○暇○枝○枝○不○暇○葉○之○狀○弗○人○文○推○引○古○道○痛○徹○時○務○如○賈○太○傅○政○事○疏○董○叔○會○嘗○語○僕○云○弗○人○每○下○筆○輒○欲○效○奏○議○體○僕○有○所○作○間○搬○演○舊○義○則○類○漢○初○諸○儒○傳○授○經○旨○拘○腐○無○所○用○之○千○秋○大○業○不○得○不○讓○弗○人○獨○任○也○弗○人○勉○之○道○途○遙○阻○會○晤○時○少○乘○此○

一剡上下前哲良不易得尚冀弗人賜我郢繩
不盡

懶仙云灑灑千言直抒胸臆覺弇州國朝文
評○循○遜○此○慨○爽○宏○暢○

附○情

辭友稱山人書

薛岡

山人之號。不著于古。古有其人。盛行于今。今鮮
其實。不佞竊謂山人者。山中之人。非無位者之
通稱也。如洗耳許由。飲牛巢父。採薇夷齊。身至
老。歿曷嘗一日離箕穎首陽哉。唯此四君足以
當之。長沮桀溺。荷簣丈人。晨門接輿。於陵商山。
隱君子耳。方之箕穎首陽。非其倫矣。况今人哉。
不佞少而孤。垂髫涉世。上承簪組之緒。長存康
濟之心。知已不遭。青襟厭薄。充陰虛邁。年齒蹉

跣雖爲堯舜之民已食周家之粟四海馬蹄兩
都車轍風塵有債丘壑無期何意君侯輒施殊
惠投以佳什喚作山人思惟慚愧安敢仰承若
君侯視今日遊客動號山人以爲無位者之通
稱而加不佞益非不佞所願當矣有人于此苟
無其位質有其文遊大人以成名或呼處士或
曰布衣名副厥寔誰曰不宜何必假山人以爲
重有志之士咸耻斯名君侯獨不聞今之爲山
人者耶其說有十請悉言之身匪章縫家起卑

陋難親顯貴故盜美名思溷衣冠以微盼睞一
也○既盜美名○頓忘本相○未通章句○亦議風騷詰
其所學○茫無應聲○二也○薄操一藝○襍處嘉賓○月
席花筵○旅進旅退○揖讓坐作○居之不疑○三也○一
聞好客○百計求交○眈眈貴人○以爲奇貨○甫擅交
歡○反謗介紹○四也○察其喜怒○委曲迎合○得其意
旨○婉轉趨承○日事左右○以求譽言○五也○偶然邂逅
退○卽造門懷刺○遍投惟日不足○執禮足恭○從
闇人始六也○年無老幼○刺總晚生○交無淺深○稱

摹寫如生

皆知已沾沾向人誇其道廣七也。旣稱山人略
無野致。輕衣肥馬。廣夏侈庖。馳騁國門。以明得
意八也。貪借厥寵。舌可舐癰。稍拂我情。口常罵
座。自取貴人。署門免見九也。其最甚者。交好陽
密。陰伺隱微。滿腔機械。不可端倪。持人短長。快
我齒頰十也。今之山人。此其大畧。人有此類。殃
莫大焉。山有此人。辱莫甚焉。嗟乎。卞和已歿。玉
石俱呈。伯樂不興。牛驥並走。縉紳先生。漫不加
察。以我平等之觀。售彼欺人之術。遂使衆人國

士左席互居。老宦山鷄。廣庭共畜。宜乎君侯稱我。如是士固有志。稱非其志。豈所甘心。君侯一代偉人。人倫之鑒。品之不同。有如其面色。莊君子區別宜精。孰跼孰夷。弗爲所眩。山人之名。道是美稱。寔成醜號。自有好者。請贈其人。勿施我輩。若君侯不諒。必欲概施。不知稱名之不善。甚于穉生之不堪。書以絕交。請從此別。不佞栖遯情濃。遊遨興淡。他日能拂衣紅塵。濯纓碧沚。君侯貽書存問。如是我稱。不佞雲亡。烟扉中不敢。

不欣然拜受。

超宗云、余每遊山、不逢一人、通衢廣廈、聯袂而走、竊怪山人二字、不知着在何處、千仞此文、足爲山靈吐氣。懶仙云、立言似有所指、爲山人不在山中者、下註脚、痛快言之、剝去面孔十層矣。

徵奏疏館課啓

陳震生

原夫文獻殷繁，無踰聖代。三百載熙平之治，億
萬家著作之林。雷鼓霞蒸，陵唐轢漢。其間畸人
逸客，棲嘯崑泉，髦士耆儒，歿含繩寶，纂譔抽于
蠶緒，流行得自巾箱，非不藻黼詞壇，笙筦蒨苑。
然而爭妍鷄埵，非修五鳳之樓，叶韵蟬林，未入
一夔之譜。其于軍國重計，臺閣鉅體，雖云有斐，
不免闕如。夫言成藥石，則奏牘滿于公車；采炳
敦彞，則課業盈于史局。文皆有用，法在必傳。而

渙布有年。致多散佚。某雅志表章。不忍卓犖鴻
篇。淪諸蟬蝨。爰用編次。務爲兩部。總號極書業
授堅梨。漸成全帙。惟是瀾飛學海。豈一葦所能
杭。櫛比書倉。進一簞而未饜。敢云手眼所到。輒
已粹撮無餘。佇覽區中。上自宰衡。下暨百執。雖
顯融代著。而零替亦時有之。世者悽其失所。將
如任昉之孤。兼之什襲遺編。并乏蔡邕之女。當
時烜赫。膏馥溢九州。沒而湮鬱。不傳者何可勝
道。某撫膺悲悼。每欲遇之高山流水之間。夫龍

劒埋光于獄底鶴碑秘蹟于江干先沉后揚自
關運數今豈無幽幽書幌獨寶論衡之藏亦猶
寂○寂○僧○寮○曲○護○蘭○亭○之○本○者○乎○倘○肯○慨○發○笥○函○
千○里○惠○寄○俾○得○鈔○錄○彙○入○編○中○煥○幽○夜○之○奇○光○
奏○鈞○天○之○逸○籟○當○年○義○心○苦○調○一○旦○如○生○地○下○
修○文○未○有○不○快○異○代○之○相○知○者○也○至○若○同○時○名○
世○鉅○公○或○攄○忠○丹○宸○則○晁○賈○持○籌○或○灑○藻○一○堂○
則○韓○歐○載○筆○弼○治○宣○猷○揚○葩○振○典○靡○不○樞○紐○一○
代○而○書○生○伏○處○蓬○窗○單○惠○沉○剽○未○闕○宏○軌○其○風○

流遐阻者。斗山在望。九天之珠唾。何來其衡宇。
鉤聯者。簪舄可親。二酉之瑤函。尚靳縱寒膚。噤
腹之子。如壤虫。甕蟻未足觀。經緯之大。顧春霆
發響。則俯螫驚飛。神龍浮景。則幽泉高鏡。絜望
古而遙集。忍當前而失之。伏祈臺下。鑒其詹溯
之誠。譬彼樵蘇。驕語王道。愍收之塊。比中一切
朝廷登奏之章。館閣磨鑱之業。傾筐倒篋。郵致
寒廬。便當焚玉麈。而展誦。對其文。如覲其人。勒
金版。日流傳。信諸今。并垂諸后。立貴雒都之紙。

寧輸甲觀之藏也哉。晨夕跂企，願勿以彼哉斥我此啓。

懶仙云：歐陽得昌黎遺稿，讀而慕之。苦心探賸，至忘寢食。遂以名著。彼時韓公文未盛行。歐公得斷簡殘編，遂受正法眼藏。今韓歐文布滿天下，有能苦心探賸而獲玄珠者，幾何人哉？青雷讀書探奇，故不覺史筆清挺，情詞相副，直可高激薄雲。

人皆曰此其所以為聖人也
而不知其所以為聖人也
夫聖人之為道也
其所以為聖人也
其所以為聖人也

此其所以為聖人也

此其所以為聖人也
此其所以為聖人也
此其所以為聖人也
此其所以為聖人也
此其所以為聖人也

此其所以為聖人也

山居謝客啓

聞啓祥

不肖學拙非時數奇不偶朋足何止於再折肱
已倍於三公車七往還匍匐道里者四萬以計
棘闥五出入坐臥席舍者一月於茲嗟哉皮骨
爲枯○悵矣頭鬚都白○引鏡無食肉相○寧復餽糟
啜醢○結廬有住山緣○政堪息黥補劓○用辭馬走
決志鴻冥○三徑無資○竊比柴桑處士○一廛可託
願爲河渚先生○上之學道娛親○次則讀書教子
閑雲野雀○從此北山北而南山南○濁酒清琴于

焉晨斯晨而夕斯夕。猶恐造門勤長者之轍。以致題字迴故人之車。敢布腹心。冀寬鉄鉞。或維舟岸側。如王無功。一往歸晤。要未可期。倘命駕山中。效嵇叔夜。千里過從。所不敢請。

懶僊云。超超越俗。如天半朱霞。矯矯出塵。如雲中白雀。孝標之目。二劉也。余以之似先生。

西湖船會啓

聞啓祥

天下不乏名山川、顧登臨者或有車馬之勞、或有風波之險、或可想而不可卽、或可一宿而不可久居、若夫天生一巖壑、非遠非近、亦淺亦深、可暮可朝、隨坐隨臥、烟波極目而無其險、行止任意而無其勞、經年探索而勝不窮、一日婆娑而趣已足者、其惟西湖乎、欲領西湖之妙、無過山居、而予尤不能忘情於舟、山居飲食寢處常住不移、而舟則活、山居看山向背橫斜一定不

易而舟則幻。山居剝啄應對猶苦未免。而舟則意東而東。意西而西。物色終有所未便。又甚寂而安。舟之功德侈矣哉。昔馮開之先生獨謂西湖之妙在淺。旣築室孤山。又買一舟佐之。白頭老宿。時時蕭然讀書其中。三十年來風流頓盡。罕有繼者。予及二三兄弟素懷此志。而書生無暇。兼亦無資。至今猶同說食。陸放翁云。一事尚須煩布策。幾時能具釣魚船。蓋實錄也。嚴子印持向有糾會打船之議。事未果行。今予踉蹌北

歸造物予我以閑。亟思一舟爲避事息躬之所。而瓶鉢罄然。不能不重理。前說願期同志十人。各輸十千。共成一舟。請自隗始。其餘次第成就。十年以還。便可人主一舟。忽焉雲合。忽焉鳥散。于焉寤歎于焉詠歌。望衡對宇之歡。賞文析義之樂。不在陸而在水。不在屋而在舟。豈非希有勝事哉。我思古人實獲我心。船子高風。不可追已。陶峴三舟。一以自載。一載賓客。一載酒饌。徒豪舉耳。吾不取也。惟玄真浮家米顛書畫舫。廉

夫春水宅。竊有志焉。故舟不必大。如少陵云。野
航恰受兩三人。略加開拓。可容五六。不啻大矣。
亦不必華。如白傅云。細篷青篾。織魚鱗。略參睂
公所謂。朱欄碧幄。明櫺短帆。數事不啻華矣。尤
不必高。西湖之妙。妙於裏湖。正如美人之有寢
幃。神仙之有別館。窈窕深靚。殆不可名。譚子友
夏湖中。復有湖一章。真得趣之深者。今船必着
樓。遂令斷橋以北。六橋以西。封以九泥。恍同函
谷。不復得路。杳如桃源。此何理哉。放翁又云。船

設低篷學釣徒。却嫌太低。但使俯仰笑談冠纓。
不礙。則亦不啻高矣。楊肥翁嘗有打船說制度。
詳明。可垂金石。獨歌妓不許上船。一則差遠人。
情。今舟成之日。廣列科條。俾議禮之家。稍爲綿。
蕞。除其苛法。約以三章。此誠伊人之典型。舟居。
之律令矣。抑予又念西湖勝蹟十湮八九。卽如。
柳浪花港諸景。在販夫村嫗口中者。亦駸駸不。
可辨識矣。田叔禾先生游覽一書。裁自先民。雅。
稱具體。但滄桑屢變。楮墨日新。損益可知。刪定。

有待。蕭伯玉有手芟善本，當遣索之。今更輕舟
往來，細心研討，舵師漁父，文獻足徵，斷簡殘碑，
陽秋具在，漫成小史，以補闕文。務使前賢剡述，
頓還舊觀。西子風流，重開生面。斯西湖不負此
舟。此舟亦復不負西湖矣。諸同志倘亦爲我躍
然起舞乎？願與斯盟。其各書名於左。

懶仙云：謫仙詩有風流自簸蕩，謹浪偏相宜。
子將落筆時，想當爾爾。

請侯廣成督學游廬山啓 黃端伯

玉戛金鏗、教化鐸傳於夫子、珠旋壁映、光明輪
現於宰官、風雲欣際乎上霄、日月快瞻於西土、
懸企鳳笙之過、願操牛酒以從、恭惟台臺神契、
夷門氣吞震澤、道從關濂閩洛以來、單傳正印、
文在秦漢商周之上、獨握玄樞、化行南國、慶雲
齊覩於秣陵、恩沛西江、甘雨頓濡於彭蠡、選賢
良方正於草茅、五老之中、推大老、羅豪傑英雄
爲堯李九奇之上、拔真奇、旣存至公、無我之心、

龙具先覺知人之根鳳毛麟角兼收誰歎遺材
於曠野師子象王並駕久聞授記於靈山微言
契理直教頑石點頭妙義傳神還使枯椿開眼
木鐸徇四方自東自西自南自北金燈照千古
乃神乃聖乃武乃文展喉歌白雪泠泠出世之
音搔首問青天赫赫驚人之句一朝宗匠三代
典刑某興憊馬蹄神沉雞足披荆棘以作廬漫
有山林之癖綯芟荷以爲佩殊無市井之思遙
瞻君子之德輝竊想至人之神韻寅詹某日敬

迂福星借花獻佛。敢薦澗溪沼沚之毛。撥草尋
師。頓生牆壁瓦礫之彩。寶誥琳文。香社發祥於
東祖。銀鈎鐵畫。墨池流澤於右軍。采蘋采藻。大
悲院裏有齋。傳鉢傳衣。妙法堂前相見。陞座一
錫。意旨默承於龍樹。過橋三笑。風流重繼於虎
谿。吸露餐霞爲供。好玄將效於麻姑。吟風咏月
而歸。尋樂獨酣於茂叔。瀑布冰懸。龍洞霏霏。玄
雪舞香爐。日照窪林。裊裊紫烟生。屋上山。屋下
水道。風高嗣於子瞻。鉢裏飯甌裏茶。禪旨密傳。

於文偃古月當臺寧忍攢眉先去秋香滿院庶
幾把手並行恭望惠臨曷勝翹佇

懶仙云先生入山精心學道數年有得後雖
登仕每借宰官身說法故其立言多超悟玄
脫確是再來人不失廬山真面目

傭書賣藥啓

章美

蓋聞文章遐啓于六書。陰陽近徵乎四體。結繩
之風。旣宵多事。遂以多機。生我之意。未明禍身。
因而禍國。道藝分指。忠孝斯湮。是以鳥迹成文。
無端動夜鬼之哭。蛾飛赴火。憂心在本草之書。
籀宗寢漓。斯篆作而邈隸。又起。砭經迷惑。此爐
熱而彼竈。可寒。或好瘦。或好肥。如相美人。須臾
而曹思楚。襄易志。或專補。或專寫。猶御軍旅。一
日而子儀。光弼。異施。然而顏筋柳骨。不知凡幾。

變要以鍾王爲本。玉札丹砂。無慮數百用。咸視
張李爲歸。無他。象立意盡。先王之道猶存。肱折
醫良。易世之理不改也。美也。賤伏枯厓。羸蹠弱
草。畫前學易。寤寐羲皇而未能。肘後傳心。俯仰
岐伊于旣遙。側聞心正筆正。心邪筆邪。善書莫
如程子之嘗敬。頗悟上藥養性。中藥養命。神工
無若卜梁之得天。不虞歲在甲申。觀海墮新亭
之淚。春維丙戌。橫蘆摧率土之心。下民其魚。皎
日沉沉于筆塚。君子爲鵠。晨星落落于桑池。豈

○精工出於自然

讀書而未工。無胸有手。何裒鳩之皆是。裂地燒
天。嗚呼痛哉。察其情形。一嚮一背。狀同指掌。稽
乎動靜。或虛或實。病若見垣。是以息心素毫。極
志艸木。臨摹舊本。雖非壯士所矜。證治良方。敢
曰。真人有秘。排牋揮絹。依稀古井。畊田分木。理
芝表見。君臣法守。懸針垂露。縱橫由秉。直而生
伏。虎降龍施。濟庶力仁。而得藏至文于闔闢。達
血氣于尊親。非小道而可觀。實有恒之願見。推
斯志也。所謂華以實生。和由中立。夏雲飛而草

蛇闢天○心○物○理○法○本○無○爲○鼻○端○贅○而○腦○後○鍼○治○
亂○經○權○德○歸○明○哲○是○故○有○至○人○者○淵○然○澄○心○泊○
焉○廢○慾○苟○或○進○我○以○大○道○約○結○素○朴○則○不○律○可○
焚○抑○將○揖○我○于○上○皇○呼○翕○虛○真○則○靈○樞○亦○腐○矣○
小○子○敢○不○長○跽○請○益○于○斯○

嬾仙云得漆園寓言之意而歸乎莊語○可以
見其志之所存○

與梅花牋

黃元會

唯梅花之爲華也。炎帝始著之圖經。屈宋不敢
入騷賦。寒香素質。松竹舊盟。鐵面冷心。冰霜矜
○梅○花○知○已○
并孤山映月。清夜禪機。東閣停雲。玄冬古色。綠
萼香消。南嶺喧雀。爭傳虬枝影落。西湖眠龍。欲
起籠餘芬。乎野墅。費騷人遜雪之評。植勁格於
商巖。却帝子調羹之勅。此蓋亭亭丰骨。豈若草
草芳華者也。奈梁王佳賦。偏多其貌。婉姿嬌如
宋子名篇。遍擬之綠珠通德。故必何遜。乃欣其

逸韻藉非林逋。誰識其清真。月冷羅浮。戲入書
生之夢。風高漢殿。誤催帝女之妝。海紅偶歲月
之同。偕分半字。共枕實昏淫之樹。竊冢家山。並
席蕙蓮。辱九錫之號。兼資桃杏。媿五出之呼。羌
彼同心。麗枝忘標。宗牒以至。返魂鴛蒂。瀆亂花
宗。漸有紅愁綠怨之吟。亦多弄粉團香之句。著
霜吐照。遂疑同東徑之寒英。雜霧颺江。便謂奪
深閨之落粉。何物秋蟾女子。並稱世外佳人。笑
他高髻婦人。亦咏南枝向暖。名素肌爲靚質。不

帝貞媛遭淫。比鐵幹以芳條。寧異白產受玷。况

詞人通病

彼世人得句者。少无嗤俗子。攬筆者多。昨見東
塾鄙夫盛吟。踈影。今又西鄰黃口。擬賦暗香。所
以高士拊膺。代爲憤憤。茲乃矩章通意。誨爾諄
諄。願自今之後。留清以似知音。積素而須識者。
含香勿發。母爲艷曲。裁歌。閉影善藏。不使素娥
窺覷。庶幾可待。帝梧共參。曉日亦不愧與王竹。
相倚青天。則禮俗之士。絕其吟。短昧之夫。閉其
喙。醜彼白雪。慰我素心。固梅之故節。寔花之幸。

事也用陳末議敢告司花

曩隱云○歪詩俗文○搖筆鼓舌○山川花鳥○蒙穢
負冤久矣○得此庶令詞壇中無俗子闖入○
嬾仙云○啓齒發頰○香氣噴於席上○如寧王與
賓客談論○先含沉麝○

擬山巨源荅嵇叔夜絕交書 陳子龍

濤白足下。蓋聞達人不矯物以矜俗。明士不懷
文而託晦。是以無法之地不可久居。有意之放
謂之遠道。今吾子闕靈華于盛年。頓正性于清
時。諄覽來旨。自耽彌極。我寔增懼。我雖鄙昧。不
敢與足下稱相知。竊私揣量高致。舉動激雜。不
凡令叔○夜○詞○塞○合一章。禮放兼違。華寔相戾。故欲托假朝命。匡
拂逸情。引于通廣。使足下有所適耳。足下乃斷
厲憎悼。如避污穢。詎僕爲不相知。假令僕誠不

知○足○下○方○將○以○足○下○爲○世○外○閒○逸○優○游○樂○豫○永○
絕○區○累○玩○心○澹○無○乃○古○之○高○士○豈○復○相○強○以○事○
相○加○以○榮○耶○乃○知○足○下○于○此○殊○矣○足○下○又○動○云○
老○子○莊○周○許○由○接○輿○之○流○又○非○足○下○所○當○託○也○
之○數○子○者○或○履○隆○化○之○期○或○當○閭○紛○之○世○混○混○
同○世○人○去○古○之○忘○名○者○一○輩○耳○今○吾○子○少○婚○貴○
族○長○仕○本○朝○博○負○儁○名○宿○擅○學○問○兼○以○交○遊○清○
拔○聲○譽○流○溢○負○過○寔○之○望○互○倚○矜○趨○而○乃○睽○人○
立○尚○寄○跡○不○倫○脫○宕○沉○矯○人○皆○莫○測○自○古○以○來○

匱巷之中濁酒之側豈有此等人哉僕觀近世
亦有立德不固疾聲撼物究其修止莫不自謂
寓機玄簡安情冲蕩世尤憎其所爲固大遠其
本志足下不嘗聞之乎僕又聞當塗之士逆心
于異物趨功之彥觸疑于別立足下之所爲僻
隱誕躁當有病狂之棄而浮慕日繁延馳尤遐
足下自視豈能謂不復異人耶足下縱欲以此
解適老死天下頗信之耶夫能言之鳥糾翠之
禽能入乎深山絕巖則歛音縮綵若寄居樊中

猶安食無患若炫色市屋弄音闐巷雖不爲誓
○可○得○藏○身○之○道○
鷹所擊童子所殘不可得也今我子不幸備有
聲色又遠壑巖復不速就羈畜便欲何所爲耶
遠觀東方柳下不鄙小官近卽嗣宗已受名爵
皆足下所悅與也獨自拂塞何所怨懟其於今
古之人竟欲進孰比倫乎足下又言性喜老莊
重增其放僕又不敢信夫和世諧俗因應于適
然周物無累入機不凝莊氏之教也至于荒渺
遺棄乃其餘耳今足下抱寄言之浮娛失中秉

之至要未可謂之已得也。足下又謂不識機宜，慢于人情，是誠有之。至于性急佚晏，意近散暇，若見塵埃惡習，貴遊恐縶身人間，舉名朝士，便絕不羈之樂，束忘慮之冥，又非僕推舉之意也。當今皇塗疏直，穆穆布列，大德競登，一材畢獻，豈復有未備之章，俟足下之宣力乎？但足下親際文明，過爲拙傲，非隱非顯，不廢不興，將別途于人羣，變俗于盛世，何得不見他意？又行此乎？僕欲足下一出耳，而足下乃疑僕欲變人心性。

改置其素。與共濟物。不亦迂哉。雖我子放浪過
昔。恣激繇常。披髮朝門。小遺殿上。不失通隱之
致耳。不愈昂舉。野外扇發孤踪。以道生累。蹈空
樹名哉。足下念之矣。且足下雅好神仙。怡情年
壽。抑僕聞之。冥會宿符。以証天適。遠名避瑜。用
斷人患。覽諸記傳。并合見聞。必無忤物之幽靈。
觸害之服食也。足下其反覆鄙意。非欲致所難。
苦極心志。保壽命之道備矣。諒悉高懷。翻然不
滯。山濤白。

曇隱云阮孝緒著高隱傳分爲三品言行超
逸名氏弗傳爲上篇始終不撓姓名可錄爲
中篇掛冠人世棲心塵表爲下篇是以神龍
潛于深淵靈鳳棲于絕嶺寰區不得而物色
所以能高出于羅網之外不能屏跡岩壑而
欲自附隱流不適以來腐鼠之嚇哉叔夜之
絕交不若康伯之埋名更得也

[Faint vertical text columns visible through the paper from the reverse side.]

擬漢王嬙漢關別書

翁吉燭

妾嬙拜別紫氣將染胡氛。凡諸都會斑聯之士。關塞甲冑之戍。無不上譽聖明。以爲輕色而重好也。大漢天子。播德四暨。繫茲單于。畏威來朝。請臣請壻。是用稽首。陛下命擇美人。爰冊關氏。妾不揣薄命。振衣請行。荷沐聖顧。萬千眷注。然中華之所以貴於夷狄者。以其有信耳。陛下豈以一女子失信於呼韓邪哉。承命以來。驅車而至漢關矣。今日妾漢人。明日妾胡人矣。回顧中

原宮殿龍鳳一時離心別緒萬難甘釋藉雪管
霜瓦達一紙書於陛下前陛下亦鑒而憐之豪
而壯之耶然使胡人謂漢邦女子尚有一片丹
心將囊矢挂弓安敢夜射鵬哉今朝廷妖魔清
靖邊陲安寧百姓和睦四夷賓服上有明鑒之
君王中有和衷之公卿外有雄略之將帥而妾
以一婦人遠嫁要荒自當朝夕納誨賢王戒戢
酋長敬共厥守以無貽帝命羞鼎鼎芳心不敢
委諸草莽自古和戎興利歷歷不數而我高祖

皇帝用劉敬策。嬪長公主爲閼氏。陛下今日令
妾武故事。妾敢不竭忠盡誠。恢封疆之鴻圖。舒
朝家之隱慮乎。妾生於姊歸。父祖兄弟臣於皇
朝。妾雖閨處。固帝恩之遺。輶悅也。不自鄙薄。漫
嬌顏色。得入掖庭。邇來有年。癡衷未咏。昭陽之
扇。駭情不買。長門之賦。陛下命畫工。遴筆宮人。
妾自以爲鳳得梧枝。魚遊碧府。得少伸忱。而畫
工遽張貪喙。兼以丹青吝筆。錯點眉花。空使楊
柳泣於雪岸。芙蓉瘠於霜條。玉貌冰心。兩相怨

恨時或琵琶訴情。僅能訴人。音响而不訴人。肝腸。一旦天命遙臨。妾廼酸腰而起。此正妾見奇之日也。蛾眉應妬於形影。應憐於御輦。今萬里行事。主持華夷大局。又非宮中爭妍效嬌之態矣。閨門一字時達天聽。君王已矣。家鄉邈矣。母父生妾。不辰費青春於寂殿。委香軀於穹廬。母亦妾之先臣。荷重國恩。幽明難報。故生妾以奉朝堂。一介嫡女。莫羞盤匱。異日史策青名。固亦妾遇之不幸。而猶幸者也。近聞陛下命搜京師。

畫工下之金吾此輩小人耳卽萬千死罪惜何
足唇狀陛下爲天下社稷主賜一女於胡虜固
以賤魂屏棲于風霜亦妾所甘心爲國家辦事
且人生天地有肝有膽萬當主持况妾雖女身
心亦方寸其不以報陛下之厚恩者有如天跼
而地踏又何有於畫工哉恐天下聞之必以陛
下爲戀妾之色卽呼韓邪知之亦不自安矧以
妾小賤人之故而斷數千百人之命妾亦何心
立於胡地願陛下憐妾之言赦畫工之罪則妾

雖○生○胡○之○年○猶○生○漢○之○年○也○妾○今○別○矣○妾○至○漢○
關○效○月○氏○公○主○嫁○烏○桓○事○一○拍○胡○茄○一○曲○琵琶○
音○薦○蒼○雲○腔○存○丹○靄○上○謝○君○王○之○德○下○泣○父○母○
之○恩○千○秋○萬○載○傳○我○陛○下○有○女○臣○嬙○持○節○勾○奴○
則○妾○之○勲○名○庶○幾○侔○霍○嫖○姚○嬈○傳○介○子○不○猶○痛○
快○於○帷○幄○燕○私○金○屋○貯○嬌○者○哉○故○妾○悲○而○復○壯○
壯○而○又○憐○敵○愾○勝○氣○淋漓○紙○上○昇○日○登○燕○支○山○
令○諸○婦○人○盡○削○玉○顏○淡○掃○眉○黛○奉○效○至○尊○應○不○
笑○王○嬙○有○此○丈○夫○手○段○也○關○門○漢○月○以○雄○妾○夢○

生離死別。玉門無期。罔扣所陳。

明妃出塞原爲呼韓邪請。帝按圖以明妃行而戲劇乃以匈奴脇漢。一何相悖耶。讀明妃辭書。允有義鋒。猶留。河不然。何以幕北草赤而明妃塚上獨青。豈天地亦爲之動也。世禮行胡。仰藥而歿。明妃亦女中杰哉。自記

曇隱云。情悲而氣壯。若非延壽曲筆。幾令王

已。

牆埋沒漢宮矣。拂鞍啼紅之句。供奉猶非知

懶仙云、余想昭君不行、遇則爲趙飛燕、失則
爲班婕妤、其抱琵琶而出也、不爲苧蘿女之
沼、吳卽爲王翹兒之敗、會以一女子而靖邊
廷、功足多焉、擬辭壯烈、確是當年出塞情致、
如李陵輩、能不愧死、

孔方與疏裁絕交書

陸起元

僕聞愛人者人恆愛之敬人者人恆敬之未有
賤之如糞土棄之如泥沙輕之若敝屣而彼反
戀戀者也僕與君周旋久自君乳哺以至弱冠
其間飲食教誨非賴僕以朝夕耶自弱冠以迄
立成而仕宦而閒居其間養生送死婚嫁燕饗
交際之類孰非賴僕以資給耶意君視予如父
尊予如神不啻凡事之矣而顧反糞土泥沙敝
屣僕者何也向以君年少志矯蹇殊不屑意今

漸老矣。貧賤富貴患難靡不閱。智與識將並老。而猶不屑意僕何也。僕交也。廣崇極天子卑逮黔庶遠及狄獫狁寄舍負離鑿之倫罔不竊我顏色倚我聲勢以生息且通好也。而君獨賤視僕何也。僕世系久自虞夏肇興與與天地國運相終始或以一品貴或以三品貴或以九府貴或以四銖五銖六銖八銖貴。雖黃白青赤品級有差而赫赫當世無貴賤一也。至于君而讎之母乃不可乎。昔夏之有德鑄鼎象物以威九牧我

始○祖○實○大○有○功○德○禹○九○年○水○湯○七○年○旱○人○無○饘○
有○賣○子○者○禹○乃○起○我○祖○于○歷○山○湯○起○我○祖○于○莊○
山○以○救○人○困○遂○弘○大○化○武○王○入○殷○出○我○祖○于○鹿○
臺○遍○告○天○下○民○大○悅○厥○後○成○景○不○忘○祖○德○權○其○
輕○重○大○小○而○下○之○百○姓○咸○利○焉○世○是○以○長○不○寧○
是○秦○獻○公○遇○我○祖○于○櫟○陽○曰○此○天○瑞○也○作○鄜○時○
以○祀○白○帝○重○厥○事○如○此○燕○昭○王○築○臺○招○天○下○士○
孟○嘗○君○亦○嘗○焚○券○德○薛○非○我○祖○爲○先○容○士○不○至○
薛○不○德○也○始○皇○帝○兼○天○下○貴○我○祖○以○二○品○姑○勿○

論高帝之與項王並爭中原也。幾困矣。藉我祖
偕陳平往出奇反間。弗稽其出入。卒以興漢。夫
以三代之隆。列侯之雄。炎漢之盛。莫不恃我祖
功。宗德以襄厥治。况其他乎。魯褒著論。實卓于
古。君豈未之前聞耶。姑無遠引。卽如君家先人
廣受二傳。以殘年乞骸骨歸。倘非拜賜明廷資
我祖烈。安得日具酒肉與族人賓客。恣爲雅會
以終天年。至于君而鄙之乎。君非有帝王卿相
之貴也。君年方壯。非若廣受之頽齡也。養生送

死○婚○嫁○燕○饗○交○際○之○事○政○未○有○抵○止○也○卽○朝○夕○
父○視○予○神○尊○予○猶○恐○僕○之○吐○棄○徙○而○之○他○而○顧○
糞○土○僕○泥○沙○敝○屣○僕○歎○語○曰○義○不○主○財○又○曰○廉○
吏○可○爲○而○不○可○爲○今○君○挾○好○義○之○聲○邀○廉○潔○之○
譽○動○以○阿○堵○爲○口○實○甚○至○反○譏○愛○予○敬○予○者○曰○
愚○曰○癡○曰○臭○曰○虜○也○何○居○君○不○見○鬼○神○乎○紙○幣○
楮○鏹○竊○僕○名○耳○猶○足○奔○走○天○神○乞○靈○司○命○而○况○
夫○人○今○夫○天○至○崇○也○五○行○非○僕○不○生○僊○與○佛○至○
清○虛○也○九○還○大○丹○非○僕○不○成○莊○嚴○布○地○非○僕○不○

重玄經妙偈贊頌特先而況于人況于鬼神乎。
君人耳無仙佛之術無鬼神之靈而顧棄予如
遺謾不爲計亦大昧矣。猗頓孔桑豈真君之罪
人耶。雖然君不予愛僕亦何愛也。君不予敬僕
亦何戀也。僕往矣。僕往矣。僕恐箕山之節不足
辱君而首陽餓夫當吾世而再見也。君將悔焉。
孔方頓首白。

懶仙云。人生世上勢位富厚。蓋可以忽乎哉。
此非激語。乃實實閱歷之談。但恐文人薄命。

卽欲與孔方相親而路鬼已擲掄其旁奈何

明燭與民衣沐露而祖風日澌然其愛奈何

擬東方朔責和氏璧辭一 劉城

古今同哀和事而朔直責之憤矣朔嘗以伏
日不待詔割肉去帝使白責朔再拜云云余
倣厥體推言之不祇責和而責璧憤益甚故
爲辭二篇

和來和來汝號言璧而不知人之不知璧壹何
愚也不量其識而強持前使彼輕詆爲石以形
見其盲瞽壹何忍也璧辟不祥爲國上瑞宜詔
君王齋戒設九賓而廷跪受乃不忍積藏一再

往沽致茲詘辱。又何無禮也。薦賢不得士。當被
顯罰。薦璞不得玉。何遽爲僂。汝不善賈。使楚以
璧故。連刑汝。世負賤人貴。璧之聲於諸侯。又何
不忠也。和汝不自責。顧怨刑汝者耶。

責和氏璧辭二

倣褒責髡奴頭責子羽而爲辭。至吾命意度
朔所同也。

璧前來聽吾責。女稟清潔之姿。蘊粹精之德。薦
馨天神。降福人國。其出也有爲。其沒匪無說。今

明聖遐徂戰殺紛拏既非急享帝禋宗黃琮蒼
璧又無需輯瑞班王子穀男蒲珪璋埋滅琬琰
泥塗卽宋有結綠梁有懸黎莫不辱在婦女碎
傳簪觴道高者引避價重者愧茲女踴躍冒昧
思見此世如麟來魯哀之年龍參夏后之季制
氏亡玉人逝知我者希宜哉出非其時女責奚
辭吾聞鄭人稱璞玉之未理周人稱璞歟鼠未
腊夫鼠玉相萬稱豈等綬良以周鄭殊方俗尚
異嗜也使女擇居入魏則已一見千金食上大

夫之饋或自致秦廷亦償城十五羣呼萬歲謹
聲而託茲侏僂下邑藍縷後裔睢于傖父曷覩
瓌姿自共王戰晉呂錡創深四境之內盲目盲
心猜猜惴惴往者白珩倖而一遇埋壁卜君史
氏誣諛女懷此都如資章甫以適越奏鍾鼓於
爰居國無人莫我知嗟誰吁哉產非其地當責
者二且女誠欲自銜楚宮揚聲雲夢也則何不
○借○說○遇○責○之○無○限○痛○憤○
入子蘭上官之手投鄭袖靳尚之胸其人寵薄
青旻權移岍谷吹噓生風雲咳唾成珠玉不然

亦借徑陳軫之口。轉輸張儀之舌。其人唇鼓雌黃。辯易黑白。瓦礫可使爲球。璆玄圃惟此爲不夜。數子誠爲之游談。兩主不復生惶惑矣。廼今委身野氓。寄命單才。無葭莩之親。左右之容。先於王之醉飽。寢興而又質直椎訥。耻學從橫。一斥爲石。羞復抗陳。使占人得關其說。闇主再淫其刑。嗟乎哉。如樂克薦孟軻于魯平。景伯直伸繇于季氏。聽移說。訕勢必不企。滅趾貞凶。痛此罪鑒。主非其人。女責曷任。然且寶不肯竟。闕光

不使終沉。發人涕淚。動人酸辛。始懷平之顛倒。
終荆王之歡忻。陵陽旣拜。白虹氣伸。覩神質之
灼灼。笑昔人之汶汶。形彼愚瞽。成女令名。如淮
陰旣侯。則亭長之妻。非替曲逆。在漢見魏咎之
聽不明。吹責女癡。女又何堪。今蕭蒿適用。奚必
蘭荃小璣。足利焉事。莫難珉磷。硃硃易致。而值
廉烏待崑崙之上。閭風之側。鼃采委然。必世歷
三主人。斷兩足泣盡。以血然後受福。則和亦何
辜。有女璧哉。女亟抵淵。還反其璞。

曇隱云不遇之感愴然于中○惜滑稽出之其
憤益甚○嗟乎鍾棄斧鳴蘭鋤艾榮璧其見刑
之具也哉○

之具身時

計益其烈○乎驗棄奇割蘭嫩又榮望其具而

是○不顯之烈○計○乎○中○惜○氣○計○出○之○其

戲爲授廳氏制辭

徐孚遠

門下西閣舍人守游佃使者褚昌地實華望識
涉通微名編玉策之府體散金衡之氣少嘗學
禮似孔父之益恭長而有文得漢皇之器重加
以風情閒朗高踞撫軍之牀機鑒不凡擅絕丞
相之譽遂乃便蕃入仕叅承內省賜沐罕出效
日○礪○夙○夜○之○勤○君○舉○必○先○有○塞○侯○周○密○之○慎○在○
公○盡○節○不○避○燠○燒○國○爾○忘○身○豈○惟○腸○腎○雖○竊○脂○
之○議○或○見○裁○於○吏○人○而○依○社○之○誠○乃○戢○心○于○有○

識○至○于○握○籌○殿○上○校○理○禁○中○莫○不○洞○曉○于○心○如○
指○諸○掌○是○用○假○之○璽○符○觀○其○政○事○初○試○河○東○底○
三○歲○上○計○之○績○分○竹○隴○右○致○千○倉○大○備○之○謠○豈○
直○西○門○鄴○城○之○守○諭○其○神○明○兒○寬○內○史○之○租○比○
其○殿○最○哉○惟○茲○倉○部○國○計○所○資○大○農○置○丞○關○籠○
郡○國○常○平○賜○爵○和○在○得○人○而○不○令○之○臣○有○扈○氏○
自○處○膏○腴○恥○問○錢○穀○致○令○筐○篚○入○都○恣○其○囊○橐○
紅○朽○殷○地○適○委○泥○沙○凡○爾○所○司○莫○非○罔○上○用○絕○
漁○蠹○在○我○信○臣○必○使○披○圖○秦○府○具○戶○口○之○贏○虛○

漕粟漢年徵百物之饒乏可進昌秩大中大夫
上儀同仍兼入內都知依前閣門祇候檢校殿
前錄事權判尚書度支行搜粟都尉勲封如故
嗚呼用爾入宄之智算兼行截角之威名刺奸
則毫毛必繩轉漕而舳艫卸尾可依前件主者
施行

懶仙云借詼謔之詞抒魄壘之氣如照膽秦
銅頓令鼠輩無道形

東平祈雨表章

陳函輝

天○九○關○之○在○上○精○神○可○以○微○通○雨○三○日○而○爲○霖○
枯○槁○於○焉○盡○起○故○樊○英○嗽○水○於○西○向○東○望○成○雲○
樂○巴○嘒○酒○於○南○方○北○來○應○氣○敢○謂○層○霄○之○應○曾○
無○半○日○之○淹○是○惟○政○拙○催○科○難○逃○下○下○以○致○天○
垂○譴○責○莫○聽○高○高○非○伏○神○慈○孰○施○隆○造○恭○惟○前○
唐○名○臣○睢○陽○張○公○殿○下○千○秋○間○氣○萬○古○精○忠○其○
來○有○自○是○生○貞○義○之○臣○視○死○如○歸○彌○表○艱○危○之○
節○斷○齧○嚼○齒○抗○聲○百○罵○齊○收○千○萬○人○涕○泪○之○心○

握○爪○透○拳○厲○色○一○呼○立○喪○諸○羣○雄○諛○佞○之○膽○雷○
將○軍○之○號○肅○六○矢○不○移○雲○大○夫○之○功○高○間○關○何○
壯○冰○湯○席○鑊○於○今○我○自○剜○心○析○子○炊○妻○當○日○爾○
同○割○水○真○孤○情○之○所○獨○抗○非○歿○不○成○抑○正○氣○之○
所○未○徂○造○生○彌○永○位○於○箕○尾○識○歸○天○傳○說○之○星○
炳○彼○丹○青○寶○入○地○長○弘○之○血○歷○宋○元○而○隆○廟○祀○
雨○陽○惠○咸○若○之○休○通○帝○座○而○惠○閭○閭○呼○吸○繫○
萬○民○之○命○維○茲○靖○邑○久○庇○神○威○邇○者○陽○亢○連○旬○
莫○許○瞻○蒲○勸○穡○土○膏○未○洽○誰○堪○望○杏○散○耕○畝○裂○

龜○文○襜○襖○與○禾○苗○俱○頽○井○枯○蟹○眼○枯○棹○共○沃○釜○
俱○焦○方○愁○輸○國○之○租○輒○媿○飲○冰○之○俸○他○如○刈○瑯○
琊○之○稻○何○繇○憑○軾○而○觀○萬○一○取○成○周○之○禾○尚○欲○
背○城○而○借○閔○閔○三○農○之○望○虛○茲○佩○犢○帶○牛○汪○汪○
千○頃○之○波○幾○見○浴○鳧○飛○鷺○片○雲○頭○上○如○催○俗○吏○
之○詩○一○霹○街○橫○忽○落○妖○虹○之○影○山○出○雲○而○猶○閉○
月○離○畢○以○何○期○伏○念○小○吏○函○輝○山○澤○臞○姿○潢○汙○
末○品○熱○繇○嘗○侍○不○勝○汗○浹○單○衣○測○匪○公○明○未○見○
枝○翻○少○女○怒○焉○有○待○悒○矣○自○憐○勤○雪○步○於○龍○山○

○有李藥師憑虛澍雨之○思

戲彈天孫封事

錢 棻

臣聞離次有罰。吳剛見謫於斧柯。無欲雖難。玉
清含羞於杵臼。天孫分精紫落。隸職錦杼。冰紈
霧縠。閭闔賴其文章。瓊琚天褰。挺宇傳爲新樣。
當此白露初團。風心散萼。帝需補袞。時藉絲綸。
政宜濯波清漢。粲黼黻於三秋。製美編珠。浣纓
組於九野。而迺鵲馭方成。俯同卓女。鷄鳴言邁。
酷類田文。月似銀船。遙渡淩波之襪。星如玉盃。
驚看濺水之裙。九華燈暖。光耿帳前。百和香勻。

冰雪攜

封事

七十二

馨來幄底。非神女而洛川。解佩異幽夢。而巫嶺
行雲。寶璐舒文。恣清歡於天上。金梭暗擲。喧密
約於人間。以致沉瓜浮李。散粉空庭。結綵登樓。
窺絲蛛網。驪山宮畔。太真訂夫婦之盟。百子池
邊。戚姬奏于闐之舞。宋帝穿針。變生氍幄。柳州
乞巧。戲播詞垣。淫靡漸扇。虧玷實多。臣謹案天
孫迹麗清都。魂縈情海。隔河遙睇。疑聞微嘆之
聲。望月驚奔。又恨別離之促。支機綺石。漫畀漢
槎。繡幄駟車。輕傳唐將。經緯無聞。徒學驚鶯之

繡衣裳在笥。但飛青鳥之書。貽羞天闕。宜致刑
章。再案牽牛。貞愧魯男。淫同楚玉。逃債無臺。盈
盈望斷。填橋有約。馥馥方來。負軛服箱。輒抱債
轅之懼。遺簪綰帶。偏耽倚玉之情。所當並付貫
索。以肅紫雲。

曇隱云。天孫之寃。洪容齋論之詳矣。此殆善
戲謔。今不爲虐兮。

卷之八

...

...

...

...

...

游山檄

張汝霖

康樂伐山搜奧。尚遺鴈宕之奇。太白結想尋幽。僅游天姥之夢。蓋境趣須緣。若風流有待。當茲芳日。偕我同人。幸生岳壑之鄉。可負登臨之興。人兼濟勝。山不厭高。情之所鍾。僻林可供杖屨。心苟不染。道人儘聽絃歌。瑞草橋邊。能飲酒。一十五錢。東坡老政。是酒人蘭亭圖上。不成詩。一十六人。獻之輩。何妨詩侶。無聞弗探。有約必來。寧損騶輿。莫驚猿鳥。多傾鑿落。無恥瓶罍。竟日

忘歸經旬不返。豈俗物能敗人意。唯昔賢先得
我心。借金谷之飛觥。布山陰之游櫂。

懶仙云。沈存中詩。住山人少說山多。自是古
來同病。如居鄰山水。足跡不經。不惟無緣實
亦俗甚。有此豪興勝情。體便登陟。可謂許椽
好遊。實有濟勝之具。

代翟義討王莽檄

錢 茶

蓋聞天命未改。鼎雖小而難問。忠義在人社。將
屋而表貞。是以君側有惡。趙鞅致師。斯高專朝。
望夷禍酷。殷鑒不遠。可爲洵懼。大漢崛起。與柄歸
外戚。祿產典軍。霍光驟乘。雖忠邪異。軫而執並。
滔天然身。斃宗屠應。時粉滅間者。數丁否剝。時
瀕堯危。皇統微於三絕。賊執成於五侯。王劉不
竝。四海崩心。爰指義旗。用拯國青。新都侯莽。豹
音鴟吻。志在食人。紫色鼃聲。工爲諛悅。方其函

情鬻譽折節買名弋綈是御。儉類文子。布被不
慚。詐過公孫笑諂。在頤遇便。則流言巧如簧。應
機必發。羅致名雋。比四君之養士。布恩黔首。等
田常之篡齊。及夫人情輻輳。爵望日隆。乃益恣
睢。奮其威。詐淳于長。戚同肺腑。不難季友之鳩。
傳太后體。屬至尊。敢爲愼座之卻。至於家膺焦
爛。骨泣丘墟。帝母王姬。下同餓隸。珠襦玉匣。徒
混柴荆。若乃求名而烹長子。忍並易牙。爭寵以
迫紅陽。巧踰蔡澤。附順者拔擢。忤恨者誅滅。權

既侔于人主。女復踐于椒塗。外則牢籠吏庶。豐
碑萬口。內則耀媚太后。詭故百方。賊執已同。磐
石漢業。危于累卵。而猶叵懷不軌。默攘大器。孝
平卽世。不辭趙盾。殺君孩少。登朝謾附。周公負
宸躬。踐黃屋。謳歌獄訟。咸歸班絕。宰衡威福。玉
食惟后。借六藝以文奸。盡更漢制。招匈奴而鳴
豫。廣衛愚心。朱草神芝。日騰太史之奏。越裳重
譯。名爲聖人而來。迹其行事。移鼎昭然。昔穰侯
假太后之威。幾傾秦國。林父擅廢立之柄。遂弑

君剽六卿分晉。三家亂魯。危亡之兆。積失有漸。
高帝有約。非劉勿王。文景寬仁。武宣英毅。克奠
丕基。至于今日。而莽乃夤緣房閹。盜竊太阿。內
懷羿浞。外假伊周。私徒盤互。于要津。威德恣行。
于遠近。周璧將沉。漢炬中墜。天無兩旦。域不並
巍。此忠臣所以隅泣。而哲士至于蹈海。嚴鄉侯
信。躬上聖之姿。體神明之胄。漢家再世中衰。乃
啓代服。孝昭冲齡無後。爰集皇孫。時方未造。憤
貫幽明。人盼長君。望同父母。爰以某月某日。卽

皇帝位于東平。躬擐甲冑。周致天誅。東郡太守
義恭侯舊臣汝南相裔忠孝有素。矢敵愾以勤
王。成敗在天。志埋名而歿國。都尉宇武平侯璜
丞相隆御史大夫丹。或蜚英天室。慕朱虛侯之
入北軍。或擇主風塵。師周亞夫之平七國。咸懷
不共。偕拯師貞。至躍景追風之士。撼山蔽野之
師。十萬有餘。數道並進。春冰欲潰。奚堪夏景之
回。秋籜將零。曷拒霜飈之卷。風雲八陣。人皆扶
杖來觀。草木成兵。賊歎噬臍。何及方將燃腹作

燈○飲○頭○爲○罷○軍○皆○左○袒○績○懋○徒○薪○雖○復○飛○奔○傾○
城○欲○假○排○難○之○舌○肉○袒○謝○過○乞○爲○灌○園○之○夫○豈○
可○得○哉○曩○少○康○一○旅○大○物○光○興○宣○王○薄○伐○周○鼎○
再○奠○漢○衰○九○世○適○鍾○一○人○春○秋○獎○復○讐○敬○問○殺○
君○之○賊○王○者○大○一○統○敢○嚴○建○帝○之○誅○清○霜○紫○電○
以○卵○壓○山○蝸○觸○蠻○爭○如○蛾○搏○虎○務○使○卵○金○之○業○
得○再○振○于○天○達○豈○容○竊○國○之○奸○長○縱○橫○于○皇○路○

嬾仙云陳琳誅操檄賓王討武文新莽時何

可少此一篇

諭珠蚌檄

卓人月

落瓜橋之下相傳有老蚌焉嘗聞負橋而浮或
曰如蓋或曰如輪每於月久星斜水澄林靜之
餘隱隱有光自波底起達于雲際或曰如燐或
曰如彗里中有好事者多沒水求之蚌必張目
相嚙水面皆震盪水色盡黑著於其人卽痿廢
昏瞶踰時或曰如冰或曰如鐵或曰如瘴霧卓
子過而問焉徘徊太息而不能去未觀燃犀之
狀聊放弔湘之辭酌酒焚書以諭之曰嗟乎爾

蟬具絕世之珍而湮埋于此中吾爲爾惜之也
不能自歿其光時出而夸耀村壤吾爲爾笑之
也誰實使水上之人不能忘情于爾而爾復盛
氣以待之吾爲爾危之也將爲伏橋之蛟乎安
知不觸周處之刀乎將爲古墓之寶氣乎安知
不遇波斯之發棺乎自以爲曳尾之神龜而無
患乎安知無諸葛元其人乎枯桑不得而潰子
乎自以爲千年之狸而莫予破乎安知無張茂
先其人乎華表不得而燭子乎嗟乎爾蟬然則

曷爲不去也。學水者歸于淵。學仙者歸于海。上之山子何不飛于珠浦。宿於海瀾。而亦何樂而久居此也。橋之下岸石束汝身。舟楫勞汝魂。窪水沙礫窘汝游。衍塵囂嘈沓惱汝見聞。而亦何樂而久居此也。抑力未至而未能去耶。則吾所云可危者。益信矣。龍不隱鱗。鳳不匿羽。置畧且將議其後焉。而况于子。然則或欲于此自見其奇耶。恐去此而不免爲白豕之入遼耶。則子之癡也。名根未除也。力不能去而與其見殘于人。

何如獻之明庭而爲衣繡之犧心不欲名實未
加而去則與其徒驚俗人何如出于世而爲卜
氏之璞然則子其聆是言而亦能砅然吐其腹
中之異以示余乎此亦何異于寶母之歸魏生
而八寶之授真如也寶母而易諸胡之千萬八
寶而爲天子所賞似此之爲酌諒汝亦不謂薄
矣此則吾與子兩利之道也雖然必以此啖子
則視子太俗其或肯啜菽飲水而我爾食貧以
老乎此又何異于紫珍之隨王度而饋而盆之

福姚察也。蓋物爲同病者。憐人爲知己者。歿子而歸我如女子而奔良壻。窮途而締快友。當不爲利害歿生作計者。故敢以爲請。嗟乎爾蟬之數者。君其何處焉。語有之。不然。鳴珂游帝都。不然絕粒升天衢。不富不貴而復不去。仁智之所不存也。嗟乎爾蟬。余之爲子策者止此矣。其以余言爲是耶。或否耶。蟬而有靈。當必能爲影響以報余。如其不能。亦復何足與言。余去矣。

曇隱云。其博綜也。則張說之。記事珠。其貫徹。

也。則唐昭陵之琅玕珠。其圓轉不停也。則閬
風雀間之走珠。其光采四映也。則太初井泉
之照月珠。珂月腕中自握靈蛇。不須復向老
蚌索取。

禱耶自禱耶
孝子知其為雅懷也

皇城島忠義祠碑

姜曰廣

維天啓有六載海上忠義祠成適使臣姜曰廣
拜其下舉酒酹地呼謂其將士曰嗟呼此豈不
真烈丈夫哉今人誦說前賢忠義事無不攘袂
拔起義形於色及身當毛髮利害不覺猶豫失
常死囚氣瑣詞容頭過身之不暇况夫戈春刃刺
人鬼須臾而顧奮臂長呼瞑目犯難此實難矣
豈不真烈丈夫哉令諸君子在吾爲執鞭所忻
慕焉而今已矣悲夫悲夫小醜未滅忠義先訖

持忠入地。賫志何極。悲夫。悲夫。死者人之所不
免也。小人以爲待盡。君子以爲要終。男兒不尸
贅。以虛存。不草腐。以苟沒。藉令諸君子老病。牖
下艾炙。瓜噴不差。奄奄臥兒女子手中。受其憐
泣。又安所稱英雄本色耶。人有一死。重于太山。
當夫天未厭禍。計無復之。生不能殺賊。死猶足
明志。爲子死。孝爲臣死。忠一腔熱血。洒得其地。
計不返顧矣。獨以義憤未雪。眦目難瞑。猶將上
訴天帝。陰磔叛夷。浩氣壯乾坤。光明揭日月。誰

死

得所

壯氣淋漓

謂諸君子已歿哉彼狼犇鼠竄犬彘棄餘者有
覲面目偷活何爲彼其人豈終不歿故曰善歿
者不亡非虛語也海天清冽風浪雄奇十洲三
島諸君子英靈實窟宅之祠此固宜且以示汝
將士觀刑此作者深意予旣以咨有衆遂退而
記之作者維何予豫章王明初太守東魯楊太
和大將軍也

懶仙云感痛悲壯字作血腥噴日月薄虹霓
讀之有不鄰歔欲泣擗髯起舞者其爲人臣

可知矣

吳綺墓碑

徐柳臣

芭蕉世界露水因緣嗟抱柱之何輕愜投金之
匪重莫欽國士謾挹姬人鸚鵡還問上皇鴛鴦
不鍾男子香嚴河畔半笑猶存楊柳巷邊微香
不散所幸梧桐簷下十三而荳蔻含花獨憐蓮
藕池頭二十而桂枝釣籠花身可觸詠鎖骨以
如心鐵性不撓識玉情而如面孤館還騰青氣
棧道只剩紫囊款語清歌入罡風而莫弄靡顏
綽態歸黃土以奚分忙把鐵鎌嬌香詎掩間抽

禿筆。幽恨難描。詠往失於慙遺。協初心於挂劍。
迎風餘子。莫效命於中江。賦夢微辭。拚擲心於
巫峽。莫致神於絳帳。因泚筆於山頭。白玉樓中。
憶鬼才其那。召黃金臺下。悵駿骨於空埋。生無
一日之因。蝮蛇表信。歿畱千劫之恨。迦陵吐音。
懶僊云。一聲聲是斷紅愁綠。

黃葉堆碑文

錢默

寒風凌厲林長聲遠。霜來樹上。竦意外之淒客。
露歇枝間。俄被搖而滴落。鳥銜桑土。懼榦弱而
巢危。魚掉迴池。亂凍波之將結。琴方調韻。聽颯
響而握離袖之拳枕。旣橫牀。覺嚴冷而催未溫
之被。嗟時理之易更。駭夙冽之遂甚。清朝操杖
詰肅前林。松枝餘翠。色居百蔣之先。柳柯已紅。
倦盡一灘之下。日照不宣。空中聚雲成黑。風心
好戰。輕來過樹。飛黃疲莖。殘態捲晨烟。而徑至

東牆老葉野情。順清溪而學游薄水。且其因桂
翻新附桃効嫩。昔年雪霰曾經三冬不凋。昨夜
月輝猶照半行跡。跡霧入早更方抱一叢之濕。
雨稀時發。尚望後日之霏。遽離木末。徒爾飄颻。
偶辭宿柢。謂俄頃之淒然。轉至他鄉。信寸陰而
今古。或登石上。但踞百丈之尊。亦入谿邊。惟有
屢旋之曲。埋泥者。葬沙頭。排簷者。迷瓦穴。泥到
春來。冀值佳人之屐。嘆簷催秋苦。祇伴君子之
筆聲。遂使喧填夏景。厭照舊枯之甕。習領夜音。

僅分竹齋一響。明歲花開不在昔。松之側他園
冷寞亦同。今此蕭條。嗟夫搖落多悲。零衰足感。
辰躔偶蝕。日王有驚異之聲。嶽勢忽崩。山神咽
崇嶠之氣。况復運不高流。質非定性。用顧身而
多愁。乃悄言以乘物。翔雷一起。壯士有騰厲之
心。僻節相臨。蕩子發無言之淚。故逸世瀟庭者。
惆悵蒼梧之雲。潛景中坻者。俯仰蒹葭之露。是
知雖華耳目之後。先竟受徘徊于殘退。嗚呼深
谷多虹。出霽虹又出。淪虹暗蘆藏雁。乍雙雁而

今隻雁化地不留葉榮葉敗何年重綠復返香
蕊之鄰何日更青依倚泣朱之侶若使春初已
知樵戛之參差不若往容先綴零波之短淚無
覺之物我憐爾歟聚衆葉冢之銘曰
建章積榦上林列干霞枝何在霓柯不完曾迷
蜂路且逐花繁穿藤挂影得鳥成丸池前暗廣
林裏香寬隣新里嫩共我盤桓日長貯煖月久
無寒秋深忽落飄揚他遷辭簡空步遠事高眠
吹多響碎片疊因連樹兼初禿葉了先綠同叢

分友明日夏年屋邀荒被地起枯田雨來橫步
煙至斜穿雁蜚一線崔撲分天嚴冬冷冷從虛
自翩柳眉雜怨桐字難篇楚地煩寒洞庭早脫
獨隨水聲雲窟活活窮塞羣榆迎冬先渴將軍
悲歌砂石刺刺露苦營昏霜乘刀潑葉散長風
亦隨俊鵲鏡明有昧劒光乃竭豈柔碧姿環十
二月以爾無聊同寢茲穴却笑愁人得秋泣血
葉自秋秋秋固不屑

懶仙云臨風浩嘆落葉興悲我不覺拊髀而

誦子山之句曰樹猶如此○人何以堪○

香猪贊

袁中道

萬曆庚戌十二月之十一日、予居沙市、閒同
衲子寶方過十方菴、逢周居士念淨云、其比
鄰鄧氏偶得償債猪一口、數日不食欲殺之、
方礪刀次、而異香忽滿室、徧覓室中、無有、則
從猪身出也、耳目口三處尤香、予與寶方遂
拉居士偕往觀之、至鄧氏、猪適在門、殊馴擾、
予與寶方以手抹其耳、有異香、眼淚尤甚、手
至次早香郁然、感而作香猪贊、

含靈雖同。報趣迥別。或處於山。或居於澤。卽屬
養物。亦多蠲潔。不淨之尤。惟茲剛鬚。盤餐糞壤。
園觀溝渠。喙與穢會。身惟虱都。專供鬻刀。業報
靡逾。如何此畜。忽出妙香。香氣滿耳。香淚盈眶。
香滿牙齒。氤氲非常。或云偶爾樂虛。菌蒸是大。
不然。茲實有情。不同頑質。幻變無因。或云爲災。
或云爲瑞。或云宿業少福多罪。如比丘尼宿誦
法華。以破戒故。後墮淫家。以誦經故。口吐蓮華。
茫茫業海。因果無差。多生罪累。感此艾猴。一念

之善香氣交加是誠有之。猶屬常見。惟我大士異類中現五臺薄荷豕中說法。晁氏所書佛在齒頰。一月普攝。印滿千江。入流分身。處處放光。天見天身。龍見龍王。蠕族蝟種。蝓國蟻邦。擊大法幢。維此異猪。莫作狔矚。亦非斗精。亦非仙牧。我方教體。純用聲音。彼衆香國。佛事香雲。是大士者。從衆香至。以香說法。汲引諸類。聞此香者。普發深信。是謂大士說法。已竟。猗與此香旃檀。難同旃檀之香。但能逆風。不能使人心地開通。

猗與此香。遠勝牛頭。牛頭之貴。價直閻浮。不能
使人增長薰修。此香大士。不可思議。如何歟。忽
遇不再遇。嗟爾衆生。日夜鼓刀。一餐不肉。預憂
腹枵。豈知中有大士之曹。何忍屠戮。是烹是熬。
有戒則香。無戒則臭。身是行廁。心如糞豆。香海
浣洗。亦莫能救。試觀大士。芬舌酷烈。是何因緣。
可不努力。我來隨喜。彌耳閉目。雙淚橫流。如見
舊識。以手撫摩。一宿猶熾。矢心精進。同歸香國。
和南作讚。以代心勒。

曇隱云郭璞封豕贊又豪蕪贊其爲貪穢著
矣云何是物忽發香氣國名衆香佛號香積
猪香應無有二聞斯妙香卽得三昧
懶仙云有獻燕相大豕者云百二十歲邦人
謂之豕仙若斯異香當謂之豕佛借此說法
放下屠刀立地成佛便可從此悟省

古梅贊

朱益采

丹芍之貴于王孫。而不能揚芳于嚴寒。桂蘭之
香于才子。而不能吐秀于霜雪。乃梅于嚴寒而
芳華始著。于霜雪而秀麗轉妍。其爲花魁。易知
也。其一梅而經白異質。不向陽和競媚。則三槐
不能匹其榮。其爲清潔易見也。其一綻而精神
愈壯。不與羣華鬬彩。則九棘不能踰其高。且其
盤根錯節。一似龍蟠虎踞。可愕而亦可訝。其吟
風弄月。一似碩人奇士。可玩而亦可思。其味爲

綻字

得○梅○之○神

傳說之和羹則宰相之材也。其精爲狄青之寵
眷則窮窳之美也。夫梅不老不古不奇故
識者贊梅而因以贊君子。大抵才不老不練學
不老不貫識不老不深氣不老不沉老則蒼蒼
則古古則力厚而鋒鏘不露于輕試彼新進喜
事之輩不能窺其膽智矣。古則見多而慧智不
泄于淺嘗彼浮薄易搖之類不能測其底裏矣。
孰謂草木之中有梅也。孰謂梅之中有老也。孰
謂老梅之中有老成博古也。故贊古梅而因以

奇○字○尤○得○梅○之○骨

爲博古者贊

曇隱云贊梅有別眼。末段尤學問有得之語。
廣平賦何必非鐵心石腸流出耶。
嬾仙云老成人自有典型。吾於梅稱老友焉。

瘞鷄銘

魏學洎

白雞來自吳江。畜余家。朱冠素裳。其行昂昂。聲
嘹唳。可里許。最善鬪。數攻敗其群。聲息所至。鄰
雛率望風徙去。而其雌之來與雄俱。一飲一啄
必偕焉。亦時時藉雄之勢。以侮鄰雛。稱霸者數
矣。客曰。余嘗遊燕趙。青徐之間。樗蒲六博。蹴鞠
獵飲。稱豪俠者相踵也。竊觀其鬪鷄焉。茲雄蓋
英彭之次云。居亡何。田家子詒余雞一。黑鬣而
絳身。內之群。會日且暮。失白鷄處。則血淋漓被

毛羽雜他鷄無彛與黑鬣者鬪方罷也蓋初角
時各無聲似銜枚然又似恐人中解之故各不
相舍以至困而白雞之左目遂喪明值老嫗至
乃分置他所而雌適以其雛來見之驚而卻徐
而前遂狂叫不止雄稍稍就之若相慰焉者雌
則轉而奔雞群熟睨之見黑鬣者兩翮血縷縷
遂奮翅搏之逐數百步觀者壯焉然雄亦從此
憊矣雌遂不復食相徙倚一夕歿而雄之死顧
反後其雛凡十三悲鳴母傍主人憐而瘞之園

自是之後則黑鬣者稱霸里中矣。銘曰：生乎雄，
歿乎恫。取而瘞之，同其宮。楚子之塋，馬與夫子
之埋狗也。嗟，寧從其隆。

嬾仙云：雄雞以善聞終歿于聞。噫，此老氏之
所以守雌也。乃其雌遂以身殉節也，而更裂
人而不如一雞者，可魏也夫。





